

ՀԱՇՎԵՏՎՈՒԹՅՈՒՆ

2017թ. դեկտեմբերի 4-ից 7-ը Նայրոբի (Քենիայի Հանրապետություն)՝
Հայաստանի Հանրապետության բնապահպանության նախարարի առաջին
տեղակալ Էրիկ Գրիգորյանի գործուղման վերաբերյալ

1. ԳՈՐԾՈՒՂՎԱԾ ԱՆՁ

Էրիկ Գրիգորյան

2. ԶԲԱՂԵՑՐԱԾ ՊԱՇՏՈՆԸ

ՀՀ բնապահպանության նախարարի առաջին տեղակալ

3. ԳՈՐԾՈՒՂՄԱՆ ՎԱՅՐԸ ԵՎ ԺԱՄԿԵՏԸ

Նայրոբի (Քենիայի Հանրապետություն)

2017թ. դեկտեմբերի 4-ից 7-ը

4. ՀՐԱՎԻՐՈՂ ԿՈՂՄԸ

ՄԱԿ-ի շրջակա միջավայրի ծրագիրը:

5. ԳՈՐԾՈՒՂՄԱՆ ՆՊԱՏԱԿԸ

Մասնակցություն՝ «Միացյալ ազգերի շրջակա միջավայրի գազաթնաժողովի
3-րդ նստաշրջանին»:

6. ՔՆՆԱՐԿՎԱԾ ԹԵՄԱՆԵՐԸ, ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ,

ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ

Գազաթնաժողովի 3-րդ նստաշրջանը հանդիսանում է Միացյալ ազգերի
բարձրագույն մարմինը, որն ուղղված է բնապահպանական խնդիրների
լուծմանը: Բարձրաստիճան հանդիպման թեման էր «Դեպի մաքուր մոլորակ»:

Միջոցառման հիմնական նպատակն էր քննարկել օդի, ջրի, հողի, մարդու
առողջության և կենսաբազմազանությանն ուղղված խնդիրները և դրանց
աղտոտվածության նվազեցման գործընթացները:

Բարձրաստիճան հանդիպման շրջանակներում անցկացվեցին ղեկավարների,
բազմաթիվ շահագրգիռ կողմերի միջև երկխոսություններ, ամփոփիչ և
լիազումար նիստեր, որոնց ընթացքում քննարկվեցին նաև՝

- մշտական ներկայացուցիչների կոմիտեի կողմից ներկայացրած զեկույցը,
- աղտոտվածության մակարդակը նվազեցնելու համար կանխարգելիչ միջոցառումները,
- ներկայացնել յուրաքանչյուր երկրում աղտոտվածության նվազեցման դեմ կատարված գործողությունները:

7. Ձեռք բերված ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ԺԱՄԿԵՏՆԵՐԸ

Գազաթափողովի ընթացքում հանդիպումներ են ունեցել գազաթափողովի նախագահ Էդգար Գուտիրեսես Էսպելետայի և հաջորդ գազաթափողովի նախագահ ընտրված Սիլվիո Կիսլերի հետ:

ՄԱԿ-ի բնապահպանական ծրագրի տնօրեն Էրիկ Սոլիեյմի հետ քննարկվել է Հայաստանում ՄԱԿ-ի բնապահպանական ծրագրի կողմից իրականացվող հնարավոր ծրագրերի մասին:

Վերջինիս հետ նախնական պայմանավորվածություն է ձեռք բերվել մեքենաների և վառելիքի ուսումնասիրության 25 000 դոլարանոց դրամաշնորհ տրամադրել Հայաստանին:

ՄԱԿ-ի բնապահպանական ծրագրի եվրոպական գրասենյակի տնօրենի հետ քննարկվել է Հայաստանի անդամվճարի վերաբերյալ հարցերը:

Հունաստանի բնապահպանության այլընտրանքային նախարար Սոկրատիս Ֆամելուսի հետ քննարկվել է Հայաստանի և Հունաստանի հանրապետությունների միջև բնապահպանության ոլորտում լայնամասշտաբ համագործակցության հնարավորությունները, մասնավորապես կոնվենցիաների շրջանակներում տեսակետների համադրման և առաջնայնությունների հստակեցման բնագավառներում:

Իրկուտսկի նահագնապետ Սերգեյ Լեվչենկոյի և Տարածաշրջանային լճերի միջազգային ասոցիացիայի նախագահ Ալեքսանդր Տիմչենկոյի հետ քննարկվել է Սևանա լճի անդամակցության և Բայկալ լճի խնդիրների լուծման շրջանակներում հայկական փորձի ուսումնասիրման հարցերը:

Սաուդյան Արաբիայի բնապահպանության, ջրերի և գյուղատնտեսության փոխնախարար Օսամա Ֆեքեհայի հետ քննարկվել է ստորգետնյա ջրերի կառավարման ոլորտում երկու երկրների փորձի ուսումնասիրության հնարավորությունները:

ՌԴ Նայրոբիում մշտական ներկայացուցիչ, Նախարար-դեսպան Վլադիմիր Լենիեվի, արտաքին գործերի նախարարության բնապահպանական բաժնի ղեկավար Վլադիմիր Ուսկովի, փոխտնօրեն Դմիտրի Մաքսիմիչևի հետ

քննարկվել է բնապահպանության ոլորտում ՀՀ և ՌԴ համագործակցության ընդլայնման հնարավորությունները: Արևելյան Եվրոպայի տարածաշրջանային հանդիպման ընթացքում իմ կողմից բարձրացված՝ բնապահպանական պլատֆորմները այլ քաղաքական նպատակներով չօգտագործելու առաջարկն աջակցություն է ստացել խմբի մասնակիցների կողմից:

Մոնղոլիայի բնապահպանության նախարար Յերենբադ Լամսրայի հետ քննարկվել է հանքարդյունաբերության բնապահպանական ազդեցությունների նվազեցման ոլորտում հնարավոր համագործակցության հնարավորությունները:

Գազաթափողովի ընթացքում հանդիպել եմ Չինաստանի, Հնդկաստանի, Բուլղարիայի, Լիտվայի, Էստոնիայի, Բելգիայի, Շվեդիայի, Նորվեգիայի, Լյուքսեմբուրգի, Նորվեգիայի, Էկվադորի բնապահպանության նախարարների հետ, քննարկել հնարավոր համագործակցության հեռանկրաները:

Առանձին հանդիպում եմ ունեցել Եվրոպական հանձնաժողովի նախագահ Յուրգեն Մյուլլերի և բնապահպանական հարցերով կոմիսար Կարմենու Վելլայի հետ, մանրամասն քննարկել ասոցացման համաձայնագրի ստորագրումից հետո բնապահպանության ոլորտում հնարավոր համագործակցության ընդլայնման շրջանակները:

Հանդիպել եմ նաև կանաչ կլիմայական հիմնադրամի ղեկավարության և Կլիմայի փոփոխության կոնվենցիայի քարտուղարի հետ, քննարկել կլիմայական ֆինանսների ծավալների ավելացման բոլոր հնարավոր տարբերակները, պայմանավորվածություններ է ձեռք բերվել ուղղակիորեն աշխատել համապատասխան կանաչ կլիմայական հիմնադրամի բարձրաստիճան պաշտոնյաների հետ՝ ծրագրերի իրականացման և ֆինանսավորման գործընթացի օպտիմալացման նպատակով:

Գազաթափողովի ընթացքում հանդես եմ եկել Հայաստանի վերաբերյալ զեկուցմամբ, որից հետո Ադրբեջանի պատվիրակները ևս մեկ անգամ ձայն են խնդրել և կրկին անգամ խոսել գրավված հողերի, փախստականների վերաբերյալ, որոնց ի պատասխան ես կրկին անգամ ելույթ եմ ունեցել և ներկայացրել Արցախյան հիմնահարցի վերաբերյալ պարզաբանումներ:

ՀՀ բնապահպանության
նախարարի առաջին տեղակալ՝

Է.Գրիգորյան